

**Saica** AM. et SERV.1. *S. rubella* AM. et SERV.

Hist. des Hem. p. 372. (Mus. Holm.).

**Tagalis** STÅL. Nov. gen.

Corpus elongatum. Caput latitudine (cum oculis) paullulum longius, ante oculos vix productum, subtus spinulosum, collo brevi, crassiusculo, retrorsum nonnihil angustato. Ocelli nulli. Rostrum articulo basali reliquis 2 fere æquilongo, articulo 2 basin versus nonnihil crassiore. Antennæ corpori vix æquilongæ, geniculatæ. Thorax subelongatus, antrorsum nonnihil angustatus, supra planiusculus, medio constrictus. Scutellum parvum, apice spinosum. Hemelytra membranacea, membrana subdistincta. Pedes mediocres, coxis anticis elongatis, femoribus anticis supra subtusque spinulosis, tibiis anticis subtus spinis 3 armatis; tarsis brevibus, apicem versus latioribus, unguiculis 2 minutis instructis.

*Saicæ* affine genus.

1. *T. inornata* STÅL.

Testaceo-flava, annulo subapicali obsolete femorum fuscescente; hemelytris valde dilute fuscescentibus. ♀. Long. 6½, Lat. 1 Millim. — (Mus. Holm.).

**Hiranetis** SPIN.A. *Capite spinoso.*1. *H. tipuliformis* BURM.

Ent. Trans. II. p. 105. 3.

2. *H. gracilis* BURM.

Ent. Trans. II. p. 106. 6. Tab. XI. p. 5.

3. *H. flavidata* STÅL.

Dilute flava, antennis, annulo apiceque femorum posteriorum, tibiis posterioris (medio excepto), tarsis, costa media venaque apicali membranæ nigro-fuscis. ♀. Long. 13, Lat. 2¾ Millim. — (Mus. Holm. et STÅL.).

4. *H. gastrica* STÅL.

Nigro-fusca, capite antennisque nigris; fascia lata membranæ annulisque femorum flavescens; abdomine (apice excepto) sanguineo. ♂. Long. 12, Lat. 2½ Millim. — (Mus. Holm.).

Articulus tertius antennarum levissime incrassatus.

5. *H. fusco-apicata* STÅL.

Pallide flavescens, antennis, capite fere toto, lobo postico thoracis (margine excepto), apice corii, vitta thoracis laterali pone caput, maculis lateralibus ventris pedibusque (annulis femorum exceptis) nigris aut nigro-fuscis; membrana decolora, apice fusca. ♂. Long. 12, Lat. 2½ Millim. — (Mus. Holm.).

6. *H. hæmatogastra* STÅL.

Obscure testacea, antennis apicem versus nigro-fuscis; thoracis disco postico subdeplanato, corio prope apicem macula lutescente; membrana fuscescente; abdomine sanguineo; pedibus flavo-testaceis. ♂. Long. 12, Lat. 2 Millim. — (Mus. Holm.).

Antennarum articulus tertius subincrassatus.

B. *Capite haud spinoso, pone antennis utrimque tuberculo tantum subconico plus minus distincto instructo.*

7. *H. ornaticeps* STÅL.

Pallide griseo-flavescens, disco dorsali abdominis, antennis (annulis exceptis), capiteque nigris, hoc ante et pone oculos utrimque et subtus vittis flavescens ornato; pedibus fuscescente-annulatis; marginibus abdominis nigro-fasciatis, vitta hujus laterali irregulari maculisque pectoris posterioribus nigris, maculis minutis albido-farinosi ornatis. ♀. Long. 12, Lat. 3 Millim. — (Mus. Holm.).

8. *H. spissicornis* STÅL.

Fusco-testacea, sericea, maculis minutis lævibus irrorata, subtus nonnihil dilutior; antennarum articulis 2 et præsertim 3 maris incrassatis, compressis; connexivo nigro-fasciato. ♂. ♀. Long. ♂. 14, ♀. 16, Lat. ♂. 3, ♀. 4 Millim. — (Mus. Holm. et STÅL.).

9. *H. subannulata* STÅL.

Dilute flavo-testacea, puberula, antennis pedibusque obscurius annulatis; thoracis disco postico deplanato, angulis posticis rotundatis. ♀ (?). Long. 17, Lat. 3 Millim. — (Mus. Holm.).

10. *H. simulans* STÅL.

Testaceo-flavescea, pilosula; pedibus antennisque obsolete subobscurius annulatis; thoracis lobo postico haud vel vix deplanato, angulis posticis emarginatis, ante emarginaturam breviter obtuse spinosis. ♀. Long. 16, Lat. 3½ Millim. — (Mus. Holm.).

Præcedenti valde similis, latior, dilutior, thorace postice subspinoso, lobo postico haud deplanato.

11. *H. bicolor* BURM.

Trans. of the Ent. Soc. P. II. p. 107. 8. (Mus. Holm. et STÅL.).

**Zelus** FABR.1. *Z. 4-spinosus* L.

AM. et SERV. Hist. des Hem. p. 373. 1. (Mus. Holm. et STÅL.).

2. *Z. obscuripes* STÅL.

Dilute-rufo-testaceus; antennis pedibusque (basi femorum excepta) nigro-fuscis; abdominis margine inermi. ♀. Long. 15½, Lat. 3½ Millim. — (Mus. Holm.).

*Z. 4-spinoso* valde similis, colore pedum abdomineque inermi mox differt.

3. *Z. flavicans* AM. et SERV.

Hist. des Hem. p. 374. 3. (Mus. Holm. et STÅL.).

4. *Z. anticus* STÅL.

Dilute flavescens, antennis, capite, lobo antico thoracis, scutello maculaque utrimque pectoris nigro-piceis; hemelytris fuscis, membrana fascia lata multo dilutiore ornata. ♀ (?). Long. 11, Lat. 2½ Millim. — (Mus. Holm.).

5. *Z. macer* STÅL.

Valde elongatus, angustus, pallide griseo-flavescens; oculis admodum prominentibus; antennis pedibusque pilosulis, illarum articulo basali capite cum thorace fere ¼ longiore; thoracis lobo postico ante singulam spinam mediam carina obsoleta longitudinali instructo, inter carinas planiusculo; abdominis margine spinuloso; corii apice maculaque nonnihil pone medium obsoleta sanguineis. ♂. Long. 14, Lat. 2½ Millim. — (Mus. Holm.).

*Z. spinoso* minor, angustior, oculis magis prominentibus, capite pone oculos longiore, basin versus magis angustato, ut et colore valde diversus.

6. *Z. longus* STÅL.

Valde elongatus, pallide griseo-flavescens, antennis pedibusque pilosulis, illarum articulo basali capite cum thorace ¼ fere longiore, apice ipso rufescente; thoracis lobo postico ante singulam spinam mediam carina longitudinali obsoleta instructo, inter carinas planiusculo; lobo antico parti lobi postici ante spinas fere æquilongo; sutura clavi corioque apicem versus rufescentibus, hujus apice et macula pone medium fusciscentibus; abdomine inermi. ♀. Long. 13, Lat. 2½ Millim. — (Mus. Holm.).

Præcedenti similis, capite angustiore, abdomine inermi mox differt.

7. *Z. pilicornis* STÅL.

Angustus, griseo-flavescens, antennis pedibusque pilosulis, illarum articulo basali capite cum thorace paullulum longiore; oculis modice prominulis; thoracis lobo postico ante singulam spinam mediam carina longitudinali obsoleta instructo, inter carinas planiusculo, spinis lateralibus fuscis; clavo, commisuraque obsolete subsanguineis, corii apice maculaque media fusciscentibus; abdominis margine spinuloso. ♀. Long. 15, Lat. 2½ Millim. — (Mus. STÅL.).

Præcedenti valde similis, thorace posteriora versus latiore, abdomine spinoso tamen distinctissimus.

8. *Z. Sahlbergi* STÅL.

Fusco-testaceus, antennis pedibusque pilosulis cum rostro flavo-albidis, fusco-annulatis; femorum apicibus fuscis, longius pilosis; carinis lobi postici thoracis distinctioribus, in lobum anticum subcontinuatis; corii macula media spinisque thoracis albidis; abdomine oblongo-ovato, segmento singulo apice utrimque spinoso-producto; meso- et metastethio, ventrisque parte fere dimidia basali pallidis. ♀. Long. 15, Lat. 3 Millim. — (Mus. Holm.).

**Heza** AM. et SERV.1. *H. 8-spinosa* F.

*Zelus id.* FABR. Syst. Rhyng. p. 289. (Mus. Holm. et STÅL.).

2. *H. multi-annulata* STÅL.

Dilute testaceo-flava, pilosa; antennis pedibusque fusco-multi-annulatis; thoracis spinis posticis basi fuscis; abdominis margine spinoso, spinis pone medium sitis fuscis. ♂. Long. 13, Lat. 4 Millim. — (Mus. Holm.).

**Sinea** AM. et SERV.1. *S. granuligera* STÅL.

Flavo-testacea, admodum dense et rude punctata; antennis fuscis, articulo basali albedo-annulato; capite utrimque ante oculos spinis 3 longioribus, supra oculos spina 1, pone oculos spinis 6 vel 7, quarum una alterave minutissima, tuberculiformi; pedibus subnodosis, femoribus anticis densissime granulatis, supra spinula subapicali tuberculisque 2 distantibus mediis parvis, subtus serie duplici spinarum multarum intus etiam una alterave minore armatis; abdomine medio utrimque subangulato-ampliato. ♂. Long. 12, Lat. 3 Millim. — (Mus. STÅL.).

**Notocyrtus** HOFFM.1. *N. 6-foveolatus* SPIN.

H. SCH. Wanz. Ins. IX. p. 124. fig. 944. (Mus. Holm.).

**Sphaeridops** AM. et SERV.1. *S. amoenus* LAP. et SERV.

AM. et SERV. Hist. des Hem. p. 382. (Mus. Holm.).

**Nalata** STÅL. Nov. gen.

Corpus anguste oblongum. Caput ovale, partibus anteculari et postoculari æquilongis, illo subconico, hoc breviter cylindrico vel obconico, basi subito constricto. Ocelli adsunt. Rostrum crassiusculum, articulo basali reliquis 2 parum brevior. Antennæ corporis dimidio vix longiores, articulis 2 basalibus mediocriter crassis, apicalibus illis multo gracilioribus, capillaribus. Thorax trapeziformis, antrorsum angustatus, postice quam antice duplo latior vel ultra, mox ante medium constrictus. Scutellum apice productum, marginibus lateralibus plus minus elevatis. Hemelytra completa, abdomine nonnihil angustiora, membranæ cellula posteriore venas 2 emittente. Pedes mediocres, scabriusculi, anticorum coxis spinosis, femoribus incrassatis, tibiis subtus utrimque breviter dense multispinulosis, apice subcurvis, fossa spongiosa nulla; unguiculis inermibus.

Hoc genus novum, secundum methodum a D. D. AMYOT et SERVILLE propositam, in vicinitate **Stenopodæ** et generum affinium locandum est, omnibus characteribus tamen ut et habitu cum **Reduvidibus** propriis (**Spongipedibus** AM. et SERV.) congruit, præter fossam spongiosam tiliarum deficientem. Fossa autem hæc spongiosa, si familiam **Ductirostrium** dividere vis, me iudice nullum vel minimum habet valorem, multo magis valet et primo loco adhibenda est forma unguiculorum, ut etiam primus voluit sagacissimus **Burmeister**. Fossam fere nullam habent **Nabides**, transitionem formantes ad genera omnino nullam habentia. Quæ quum ita sint, nullo modo **Spongipedes** a **Conorrhinidibus** et **Stenopodidibus** separari possunt; adeo sunt, ut mihi videtur, divisiones illæ inter se affines, ut melius in unam conjungantur. Species sequentes quattuor mihi sunt obviæ.

1. *N. aspera* STÅL.

Sordide flavo-testacea, annulis 3 rostri, 2 basalibus femorum, 2 tiliarum posteriorum, 1 tiliarum anticarum, harum etiam basi et apice (licet obsolete), disco vittaque utrimque ventris, membrana fasciisque connexivi nigro-fuscis. ♂. Long. 8, Lat. vix 3 Millim. — (Mus. Holm. et STÅL.).

Thorax postice quam antice ter latior, lobo antico medio profunde sulcato, ad sulcum utrimque tuberculoso, tuberculis ipsis subsulcatis, antice carinula granulosa albida instructis; lobo postico anterieus carinis 2 retrorsum

divergentibus, antice cum carinis intermediis sive tuberculorum lobi antici parte interiore confluentibus. Scutellum carinis lateralibus et apice albidis. Hemelytra fuscescentia, fascia media membranæque basi pallidioribus.

### 2. *N. fuscipennis* STÅL.

Cinnamomea, hemelytris (margine costali basali excepto), margineque abdominis utrimque nigro-fuscis, hoc cinnamomeo-maculato. ♀. Long. 7, Lat. 2 Millim. — (Mus. Holm. et STÅL.).

Thorax postice quam antice  $2\frac{1}{2}$  latior, lobo antico carinis 4, lateralibus brevioribus, mediis a sulco profundiore et latiore separatis, in lobum posticum continuatis, hic divergentibus et sensim evanescentibus. Pedes obsolete dilutius annulati.

Variat abdomine utrimque plaga longitudinali fusca, medio dilutius vittata.

### 3. *N. plebeja* STÅL.

Flavo-testacea, hemelytris (margine basali sat lato excepto) fuscis; membranæ margine ad apicem corii anguste flavo-albido. ♂. Long. 6, Lat. vix 2 Millim. — (Mus. Holm.).

Species hæc et sequens a præcedentibus structura thoracis nonnihil discrepant. Thorax antice quam postice plus dimidio angustior, medio sulco lato, utrimque abbreviato, antice quam postice angustiore et subprofundiore, a sulco medio transverso per carinulas brevissimas obsoletas separato; partibus lobi antici lateralibus convexiusculis; lobo postico supra angulos impresso.

### 4. *N. fuscicollis* STÅL.

Sordide flavo-testacea, capite, thorace, scutello, femoribus maculisque abdominis marginalibus obscure fuscis. ♂. Long. 5, Lat.  $1\frac{3}{4}$  Millim. — (Mus. Holm. et STÅL.).

Præcedente statura et structura thoracis omnino similis, thorace postice quam antice duplo latiore. Variat pectore vittaque utrimque angusta ventris fuscis.

## **Bactrodes** STÅL. Nov. gen.

Corpus valde elongatum, gracile. Caput supra anterius subglobosum, nonnihil pone oculos subconstrictum, dein collo gracili instructum. Oculi admodum prominentes. Ocelli duo nonnihil pone oculos siti, subapproximati. Rostrum inerme, articulis 1 et 3 subæquilongis, 2 illis nonnihil longiore. Antennæ setaceæ, geniculatæ. Thorax elongatus, antrosum angustatus, anterius infra insertionem colli productus, medio constrictus, lobo postico bicarinato, posterius subdeclivo. Scutellum parvum, triangulare, æquilaterum. Hemelytra completa, tota membranacea, membrana venis 3, quarum 2 cellulam unicam includentibus. Pedes longi, graciles. Coxæ anticæ elongatæ. Femora antica subincrassata, subtus serie spinarum instructa. Tibiæ anticæ absque spinis evidentibus. Tarsi antici biunguiculati, posteriores ungue (ut mihi videtur) unico instructi.

*Ploiaria* affine genus, structura capitis, thoracis hemelytrorumque mox distinctum, ocellis præditum.

### 1. *B. biannulatus* STÅL.

Pallide testaceo-flavus, annulis 2 ante medium femorum anticorum maculisque connexivi nigro-fuscis; thoracis lobo postico dense punctato. ♂. ♀. Long. 9, Lat.  $1\frac{1}{4}$  Millim. — (Mus. Holm. et STÅL.).

## **Malacopus** STÅL. Nov. gen.

Corpus gracile, elongatum, valde angustatum. Caput breviusculum, latitudine (cum oculis) parum longius. Ocelli adsunt. Oculi subglobosi. Rostrum crassiusculum, articulo basali

basali reliquis 2 ad unum fere æquilongæ. Antennæ longissimæ, corpore multo longiores, valde graciles, geniculatæ. Thorax subelongatus, antrorsum angustatus, mox ante medium constrictus. Scutellum parvum, spina erecta armatum. Hemelytra membranacea, membrana reticulato-venosa. Pedes longissimi, gracillimi, coxis anticis elongatis; tarsis valde brevibus, unguiculis 2 minutis instructis.

*Ploiaria* iterum affine genus, ocellis, thorace longiore, antrorsum angustato, spina scutelli insigne.

1. *M. cellularis* STÅL.

Pallide testaceo-flavescens, annulis obsoletis pedum cellulisque membranæ (basalibus exceptis) fuscis. ♀. (?) Long.  $6\frac{1}{2}$ , Lat.  $\frac{3}{4}$  Millim. — (Mus. Holm.).

OCULATI LATR.

*Salda* FABR.

1. *S. ventralis* STÅL.

Oblonga, nigricans, nitida, glabra, antennarum articulo basali (apice ipso excepto), limbo laterali medio thoracis, macula parva subapicali clavi, rostro, pedibus ventrequæ testaceo-flavis; margine costali (excepta parte mox pone medium), lineola maculaque parva ante medium maculisque 2 oblongis (interiore minore) subapicalibus corii testaceo-albidis; membrana fuscescente, nigro-venosa; segmento ventrali apicali fusco, apice utrimque sordide albido. ♂. Long. 4, Lat. 2 Millim. — (Mus. Holm.).

Statura fere *S. saltatorica*. Oculi medioceres. Thorax longitudine media fere ter latior, postice subtruncatus, utrimque rectus, antice quam postice dimidio fere angustior, medio transversim impressus. Articulus 2 antennarum tertio  $\frac{1}{3}$  fere longior.

ENICOCEPHALIDÆ STÅL.

Caput elongatum, pone oculos latum, crassum, utrimque rotundatum. Ocelli adsunt. Antennæ filiformes. Thorax retrorsum ampliatus, bis constrictus, postice subtruncatus. Scutellum triangulare. Hemelytra tota membranacea, longitrorsum venosa, vena una alterave furcata et confluenta. Pedes breviusculi, tibiis compressis, anticis intus dilatatis; tarsis brevibus, crassis, compressis, biunguiculatis.

Familiam certe distinctam constituit genus *Enicocephalus* a Dom. WESTWOOD propositum, inter *Ductirostres* et *Ploteres* locandam. Dom. WESTWOOD tarsos anticos uni-unguiculatos describit, in speciebus mihi cognitis unguiculos duos distinctos inveni, internum tarso ipso nonnihil longiorem, externum illo nonnihil brevior, minus validum.

*Enicocephalus* WESTW.

1. *E. spurculus* STÅL.

Flavo-testaceus, subnitidus, parce pilosulus; tegminibus pallide fuscescentibus; capitis lobo postico latitudine fere longiore, thorace latitudine postica nonnihil longiore. ♂. Long. vix 4, Lat.  $\frac{3}{4}$  Millim.

Caput lobo postico latitudine fere longiore, capitis parti mediæ (cum oculis) æquilato. Thorax latitudine basali paululum longior, lobo intermedio longitrorsum leviter impresso, reliquis 2 longiore et his ad unum fere

æquilongo, postico deplanato. Antennarum articuli 3 ultimi parum graciliores. Femora antica incrassata, compressa, supra admodum convexa.

## 2. *E. rhyparus* STÅL.

Fusco-testaceus, parce pilosulus, pedibus dilutioribus; tegminibus pallide fusciscentibus; capitis lobo postico subtransverso, leviter sulcato; thorace latitudine postica nonnihil brevior. Long.  $3\frac{1}{2}$ , Lat. vix 1 Millim. — (Mus. Holm.).

Caput lobo postico transverso, parte capitis media (cum oculis) nonnihil latiore, medio longitrorsum leviter sulcato. Thorax latitudine postica nonnihil brevior, lobo antico brevi, lobo medio illo nonnihil, postico eodem adhuc longiore; lobo postico medio duplo latiore, illo impressione levi media, hoc impressione parva media subtransversa instructis. Femora antica vix incrassata. Antennarum articuli 2 ultimi graciliores, penultimo ultimo adhuc graciliore.

## PLOTERES AM. et SERV.

### *Velia* LATR.

#### 1. *V. brasiliensis* S. SCH.

Wanz. Ins. IX. p. 76. fig. 937. (Mus. Holm. et STÅL.). — *Velia bicolor* BLANCHARD in d'Orbigny Voy. dans l'Amer. mer. Ins. p. 218. 755. pl. XXIX. f. 1.

#### 2. *V. brachialis* STÅL.

Fusco-castanea, thorace ante medium limboque ventris pallidioribus; thoracis macula utrimque anteriore parva obsolete albido-subsericea; tegminum vitta basali intracostali maculisque 3 parvis apicalibus triangulariter dispositis, quarum media (anterior) majore, posterius emarginata, albidis; coxis, femorum dimidio basali annuloque tibiaram pallide testaceo-flavis. Long. 5, Lat. 2 Millim. — (Mus. Holm.).

Antennæ mutilatæ in exemplo unico speciei valde eximiæ et pulchræ.

## HYDROCORISÆ LATR.

### *Mononyx* LAP.

#### 1. *M. bipunctatus* STÅL.

Öfvers. af K. Vet. Ac. Förh. 1854. p. 239. 2. (♀); *M. raptorius* Burm.; H. SCH. Wanz. Ins. IX. p. 27. fig. 895. (Mus. Holm. et STÅL.).

*Fabricius* nullam facit mentionem maculæ parvæ hemelytrorum et speciem suam etiam "reliquis multo minorem" dicit, quare de identitate specierum ab illo auctore et Cel. *Burmeister* et *Herrich-Schæffer* descriptorum valde dubito.

#### 2. *M. fusco-conspersus* STÅL.

Quadrato-ovalis, sordide testaceo-flavescens; thorace utrimque late rotundato, basi hemelytrorum vix vel pallulum latiore, cum scutello minute granulato, hoc longitrorsum tri-carinato; hemelytris fusco-variegatis; pedibus fusco-annulatis; subtus nigro-fuscus, obsolete flavo-testaceo-maculatus, maculis ventris serialibus. ♀. Long.  $5\frac{1}{2}$ , Lat.  $3\frac{1}{2}$  Millim. — (Mus. Holm. et STÅL.).

Statura fere præcedentis, multo minor, thorace subparallelo, utrimque antè et posterius rotundato, vel saltem basi utrimque multo minus distincte oblique truncato, disco magis inæquali, antè utrimque sinuato, posterius ante scutellum profundius sinuato. Membrana sordida, fusco-punctata et variegata.

**Galgulus** LATR.1. *G. nebulosus* GUÉR.

Icon. du Règne anim. p. 351. (??). (Mus. Holm. et STÅL.).

**Naucoris** GEOFFR.1. *N. bipunctulus* H. SCH.

Wanz. Ins. IX. p. 39, fig. 900. (Mus. Holm. et STÅL.).

2. *N. binotulatus* STÅL.

Oblongus, convexiusculus, flavo-testaceus, fusco-brunnescente-irroratus; thorace subtransversim subtilissime rugulosus; scutello hemelytris que subtiliter punctatis, corio ad membranam macula parva pallida; subtus fuscus; margine abdominis utrimque pallido, nigro-fusco-maculato. Long. 8, Lat. 5 Millim. — (Mus. Holm. et STÅL.).

Præcedente multo minor, proportionaliter angustior, paullulum convexior. Caput latera versus distincte punctatum. Thorax longitudine vix  $1\frac{1}{2}$  latior, utrimque leviter rotundatus, subtilissime (disco subtransversim) rugulosus, vel aciculatus, latera versus parcius magis minute, disco densius confluentem brunnescente-conspersus et irroratus. Scutellum dense brunnescente-conspersum. Hemelytra sat dense subtiliter punctulata, sat dense minute fusco-brunneo-conspersa, embolio ultra medium maculaque parva corii apicali commisuram versus sita pallidis, haud irroratis. Prostethium et pedes pallida, femoribus anticis supra extus brunnescente-indutis.

**Limnocoris** STÅL. Nov. gen.

Corpus late ovale, subdepressum. Caput cum thorace ad unum fere semicirculariter rotundatum, e thorace parum prominulum, obtusum. Oculi supra visi retrorsum sensim sublatores. Thorax latus, longitudine media circiter quater latior, utrimque dilatatus, rotundatus, angulis anticis valde productis, caput utrimque omnino amplectentibus, angulis posticis productis obtusis. Hemelytra completa, embolio valde dilatato.

Structura thoracis embolique distinctum genus, habitu etiam a *Naucori* divergens.

1. *L. insignis* STÅL.

Flavo-testaceus, sat dense subtiliter punctato-rugulosus; capitis basi, thorace medio hemelytris que præsertim disco fusco-variegatis et irroratis, margine posteriore embolii et corii anguste, scutello (apice excepto) membranaque nigro-fuscis, hac pallido-variegata; ventre obscuriore, abdominis margine utrimque nigro-maculato. Long.  $8\frac{1}{2}$ , Lat.  $6\frac{1}{2}$  Millim. — (Mus. Holm.).

**Zaitha** AM. et SERV.1. *Z. anura* H. SCH.

Wanz. Ins. VIII. p. 26. fig. 799. (Mus. Holm. et STÅL.).

2. *Z. plebeja* STÅL.

Oblongo-subovata, mox pone medium latior, flavo-testacea, certo situ cupreo- et subviolaceo-micans, sat dense punctata, thorace subtiliter ruguloso; capite ante oculos parum producto, parte anteculari intraculari brevior; thorace retrorsum sensim ampliato, latitudine antica vix  $\frac{1}{2}$  brevior, utrimque quam levissime late sinuato; membrana 8—9



nervosa; femoribus posterioribus supra, anticis utrimque parce subferrugineo-variis, tibiis vix dilatatis. Long. 15, Lat. 8 Millim. — (Mus. STÅL.).

*Z. anura* dimidio minor, capite multo minus producto, thorace brevior.

3. *Z. micantula* STÅL.

Oblongo-subovata, sordide flavo-testacea, certo situ subviolaceo-micans (præsertim thorace scutelloque); capite parum producto; thorace latitudine antica  $\frac{1}{3}$  brevior, posterius subtruncato, utrimque subrecto vel vix sinuato, membrana 6—7 nervosa; femoribus parce obsolete fusco-conspersis; tibiis vix dilatatis. Long. 13, Lat. 7 Millim. — (Mus. Holm.).

Var. *β*. — Thoracis scutellique vitta media commisuraque pallidis. (Mus. STÅL.).

Præcedenti maxime affinis, nonnihil minor, thorace nonnihil brevior.

Fortsättning.

---